

Gvangjsih Minzcuz Bau

ganhhou: CN45-0036 B.2013 Nd.8 Ng.7 liggaueq gveiqceih nienz ndwencaet coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3085期

Gyoengq Conhgyah Comz Bahmaj Saemj Cuengh Gun Song Saw Vah Gyaucaiz

专家学者聚集巴马审议壮汉双语教材

Vih baujcwng bi 2013 haggeiz seizcou Cuengh Gun song saw vah gyaucaiz ndaej ciuq seiz ciuq cizlieng oksaw, 7 nyied 25 hauh daengz 27 hauh, Swcigh Gyauyuzdingh youq Bahmaj Yauzcuz Swciyen ciuhai bi 2013 haggeiz seizcou Cuengh Gun song saw vah gyaucaiz benhsinjei. Cunghgoz Minzcuz Yijvwnz Fanh-yizgiz fugizcangj Lij Yuzlen caeuq Swcigh Gyauyuzdingh Minzcuz Gyauyuzcu cucangj Veiz Lanzmingz daengz yienhciegz haihoih, caemh-caiq guh cungyau gangjavah.

Youq gwnz hoih, Veiz Lanzmingz giengzdih, yaek aeu gohyoz daidu daeuj nyinhcaen bien gyaucaiz, guhdaengz byauhacunja caeuq gveih-

fanva. De vixok, Cuengh Gun saw vah sonhag gij guhfap conzdungj yawjnaek dawz Sawcuengh dangguh "diuzdwngx" hag Sawgun, dan giengzdih dawz Sawcuengh dang yiengh hongdawz he. De naeuz, dangqnaq bien Cuengh Gun song saw vah gyaucaiz, aeu yawjnaek gij vwnzva swyenz gunghnwnz Sawcuengh miz haenx, cungdenj dawz Sawcuengh cihsiz caeuq vwnzva Bouxcuengh maenhndei doxhab hwnjdaej, miz-yauq swnjcienz vwnzva minzcuz maenhndei.

Swcigh Gyauyuzdingh Cuengh-biensiz yizsinj Lingz Hinghningz cunggez bi 2013 haggeiz seizcou Cuengh Gun song saw vah gyaucaiz

biensij caeuq bienhoiz gunghcoz, anbaiz bi 2014 haggeiz seizcin Cuengh Gun song saw vah gyaucaiz bienhoiz gunghcoz. Gvangjsih Minzcuz Cuz-banjse Sawcuenghsiz Veiz Caijgenh cujyin gaisau bi 2013 haggeiz seizcou gyaucaiz Sawcuengh benhciz oksaw cingzgvang. Liuxle, gyoengq conhgyah gangjlwnh Cuengh Gun song saw vah caemhyamq sonhag mozsi sizyen caeuq gyaucaiz gajgwz vwndiz.

Mboengq haihoih haenx, gyoengq lingjdaej caeuq conhgyah lij gonq-laeng bae daengz hagdangz Cuengh Gun song saw vah Bahmaj Yen, Dunghlanz Yen guh gaujcaz diuyenz.

Ndaw doz dwg haihoih yienhciegz. (Moz Sangvwnz)



Duh'anh: Gincung Yauzcuz Bae Rog Guhhong Ndaej Baenzfouq

都安: 劳务输出铺就瑶乡群众致富路

Gaenh bi daeuj, Duh'anh Yauzcuz Swciyen dawz bae rog guhhong dangguh aen canjyez daeuz hawj nungzminz demsou haenx daeuj gaemmaenh, gyagiengz cugmbaek hengz bae rog guhhong, byaij ok diuz roen "cwngfuj dazyinx, yawj hawciengz bae guh, lai fuengmienh camgya, nungzminz souh'ik" bae rog guhhong haenx. Moix bi miz 16 fanh vunzbaez bae rog guhhong, moix bi caux ndaej ginghei souhaej yawj 20 ik maenz, ok rog guhhong souhaej gaeng baenz

cungj canjyez hung hawj nungzminz demsou he.

Vih daezsang bae rog guhhong cizlieng, aen yienh neix cizgiz saedhengz cosih, gyalai gincung ciuyez beijlaeh. It dwg gyagiengz beizyin. Aen yienh neix gyadaih ligdoh, gonqlaeng hai haici, dennauj, dienhhanh, honggranz, faexcuk gogaen dajsan daengj 10 lai cungj hong beizyin, moix bi beizyin vunzhong 5000 lai vunz. Ngeih dwg riengzlaeng fuzvu. Gaenh bi daeuj, aen yienh

neix gonqlaeng vih nungzminzunguh daezhawj faplwd camdap fuzvu 5 fanh lai vunzbaez, cekgej gij saeh doxceng 156 gienh, fat veizgenzgaj 18000 lai mbaw. Sam dwg gya'gvangq roen ciuyez. Vih gajgez nungzminzunguh ra hong hoj vwndiz, yenveij, yen cwngfuj cizgiz okbae lienzhaeh giyez, gonqlaeng caeuq Fangzcwnzgagj Gangjvu Cizdonz, Gvangjdungh, Fuzgen, Haijnanz daengj dieg doxyaeng dabbaenz lauzvu hezyi.

(Lanz Bizcwng)

SIUSIK DINJ

简讯

● Lai bi daeuj, Vanzgyangh Mauznanzcuz Swciyen yawjnaek yungh guekgya cwngecwz bangfuz minzcuz giyez. Daj 2009 nienz daeuj, gaeng miz 19 aen minzmou giyez ndaej banh daigvanj diep leihsik, gungh 47721 fanh maenz, gungh diep leihsik 1241.7 fanh maenz. (Veiz Vwnjbanh)

● Geij ngoenz gonq, Denhdwngj Yen 2000 moux giux ndaej fungsou, guj daengx bi cungj-canjlieng 343.28 dun, ciuq dangq-naj gij gyaq hawciengz suenq, neix hawj dangdieg doenghboux dajndaem giux haenx bingzyaenz moix boux demsou 500 lai maenz.

(Liengz Cwnzfuj Suh Yingzyingz)

● Daj bi' gvaq daeuj, Yungz-suij Myauzcuz Swciyen heij guh "mbanjmbanj doeng roensuijniz gunghcwnz", aeu "gensez-gyauhawj" daengj mozsi comz cienznaganz gyagiengz lajmbanj gyauhdungh gensez, ceng youq 4 bi dauqndaw saedyienh moix aen hingzcwngeunh doeng roensuijniz, cugmbaek gajndeik gak minzcuz swngghoz swngghanj diuzgen. Dangqnaq, gaeng haigoeng guh 28 diuz, bineix giva guh 31 diuz.

(Liu Swngyinz)

● Bineix, vih cienzmienh roxyiuj Hingh'anh Yen gij cingzgvang saujsu minzcuz faenboun haenx, Hingh'anh Yen Minzcuzgiz leihyungh yawj buenq bi seizgan, diuyenz le daengx yienh gij gihbwnj cingzgvang saujsu minzcuz coyouq (Yauzcuz, Bouxcuengh, Veizcuz) miz 20 vunz doxhwnj haenx, neix haemq cienzmienh rox ndaw yienh gij gihbwnj cingzgvang saujsu minzcuz, vih hong ngoenzlaeng laebndei gietdae.

(Liengz Dingyouj)

● Geij ngoenz gonq, Nazboh Yen Minzcuzgiz caeuq Nungzyezgiz, Linzyezgiz lienzhab gawjbanh saujsu minzcuz nungzminz nungzyez gisuz beizyinbanh, doenghboux saujsu minzcuz gisuz ak haenx gungh 250 vunz daj 9 aen yangh(cin) 127 aen cunh daeuj camgya baez beizyin neix.

(Hij Dwzhoz)